



KOALICIJA ZA BORBU PROTIV GOVORA MRŽNJE I ZLOČINA IZ MRŽNJE  
КОАЛИЦИЈА ЗА БОРБУ ПРОТИВ ГОВОРА МРЖЊЕ И ЗЛОЧИНА ИЗ МРЖЊЕ  
COALITION FOR COMBAT AGAINST HATE SPEECH AND HATE CRIME



Inicijativa za monitoring evropskih integracija Bosne i Hercegovine

Ministarstvo za ljudska prava i izbjeglice BiH  
n/r ministrice Semihe Borovac

//ukupno (2 stranice)//

Sarajevo, 25.08.2015.

**PREDMET: Učešće organizacija civilnog društva u radu radne grupe za izradu prijedloga Zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini**

Poštovana gđo Borovac,

ovim putem Vam se obraćamo ispred Koalicija za borbu protiv govora mržnje i zločina iz mržnje i Inicijative za monitoring evropskih integracija BiH sa prijedlogom da se organizacije civilnog društva okupljene u ove koalicije uključe u izradu prijedloga Zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini.

Analizirajući sjednicu Vijeća ministara BiH koja je održana 01.07.2015. godine uočili smo slijedeći zaključak:

*„Vijeće ministara BiH je upoznato s Inicijativom Denisa Bećirovića, zastupnika u Zastupničkom domu Parlamentarne skupštine BiH, usvojenom na 9. sjednici, održanoj 25. 3. 2015. godine, kojom se zadužuje Vijeće ministara Bosne i Hercegovine da pripremi i u parlamentarnu proceduru dostavi prijedlog Zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini. Ministarstvo za ljudska prava i izbjeglice je zaduženi organ za realizaciju navedene inicijative.“*

U Bosni i Hercegovini već nekoliko godina uspješno djeluje **Koalicija za borbu protiv govora mržnje i zločina iz mržnje**. Koalicija okuplja veliki broj organizacija iz oba entiteta, te je svoj rad, između ostalog, fokusirala na zagovaranje izmjene zakonodavstva u Republici Srpskoj i Federaciji BiH. Saznajte više o članicama Koalicije na: <http://www.diskriminacija.ba/koalicija-za-borbu-protiv-govora-mrznje-i-zlocina-iz-mrznje>

Kada govorimo o krivičnim djelima počinjenim iz mržnje i govoru mržnje, Koalicija je upravo ove godine, tačnije u junu 2015, po treći put uputila prijedlog za izmjenu Krivičnog zakona Federacije BiH. Tim povodom izrađena je komparativna analiza koju možete pronaći na: <http://soc.ba/regulisanje-krivicnih-djela-pocinjenih-iz-mrznje-u-krivicnom-zakonu-federacije-bih/> ali i konkretan prijedlog prema Vladi i Parlamentu FBiH koji možete preuzeti na: <http://soc.ba/zlocin-iz-mrznje-u-fbih-zahtjev-za-tematskom-sjednicom-i-amandmani-na-krivicni-zakon/>



KOALICIJA ZA BORBU PROTIV GOVORA MRŽNJE I ZLOČINA IZ MRŽNJE  
КОАЛИЦИЈА ЗА БОРБУ ПРОТИВ ГОВОРА МРЖЊЕ И ЗЛОЧИНА ИЗ МРЖЊЕ  
COALITION FOR COMBAT AGAINST HATE SPEECH AND HATE CRIME



Inicijativa za monitoring  
evropskih integracija Bosne i Hercegovine

Pored toga, i **Inicijativa za monitoring evropskih integracija BiH**, kao koalicija trideset nevladinih organizacija iz cijele BiH, u svoj fokus rada takođe stavlja i pitanja govora mržnje i krivičnih djela počinjenih iz mržnje. U upravo objavljenom **Alternativnom izvještaju o napretku BiH** (Alternative Progress Report) Inicijativa za monitoring evropskih integracija BiH je pitanje govora mržnje i krivičnih djela počinjenih iz mržnje posebno istakla, što možete vidjeti u navedenom izvještaju koji je dostupan na:  
<http://eu-monitoring.ba/alternativni-izvjestaj-o-napretku-2015-politicki-kriteriji/>

Imajući gore navedeno na umu, **Koalicija za borbu protiv govora mržnje i zločina iz mržnje i Inicijativa za monitoring evropskih integracija BiH** donijele su odluku da svoju ekspertizu i pravno znanje trebaju ponuditi Ministarstvu za ljudska prava i izbjeglice Bosne i Hercegovine.

Smatramo da bi bilo od velike koristi ukoliko bi Ministarstvo za ljudska prava i izbjeglice Bosne i Hercegovine u rad radne grupe za izradu prijedloga zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini **uključilo najmanje jednog/jednu predstanika/cu ove dvije koalicije**. Predstavnik/ca ove dvije koalicije bi mogao imati status posmatrača, kao što je to slučaj sa predstavnicima/ama međunarodnih organizacija, te bi kroz diskusiju, ali i konkretne prijedloge mogao/la doprinijeti ovom procesu.

Iskreno se nadamo da ćete razmotriti i prihvatiti naš prijedlog, te da ćemo na taj način još jednom intezivirati saradnju između koalicija organizacija civilnog društva i ministarstva.

Za sva eventualna pitanja, javite se kontakt osobi Ineli Hadžić na telefon 033/551-000 ili putem emaila [info@eu-monitoring.ba](mailto:info@eu-monitoring.ba).

S poštovanjem,

Saša Gavrić

u ime

**Koalicije za borbu protiv govora mržnje i zločina iz mržnje i  
Inicijative za monitoring evropskih integracija BiH**